



ՀԵԼՍԻՆԿՅԱՆ ՔԱՂԱՔԱՑԻԱԿԱՆ ԱՍՍԱՄԲԼԵԱՅԻ
ՎԱՆԱԶՈՐԻ ԳՐԱՍԵՆՑԱԿ
HELSINKI CITIZENS' ASSEMBLY
VANADZOR OFFICE

2021 Հայաստանի
Հանրապետություն, Վանաձոր
Տիգրան Մեծի պողոտա 59
59 Tigran Metsi st.
Vanadzor, 2021, Republic of Armenia
Tel. (հեռ.) (374 322) 4 22 68
Fax (ֆաքս) (374 322) 4 12 36
E-mail: hcav@hcav.am
Ե/2019- 21.11/ 808
21.11.2019թ.

ՀՀ Վայոց ձորի մարզպետ
Արարատ Գրիգորյանին

Հարգելի պարոն մարզպետ,

Համաձայն ՀՀ աշխատանքային օրենսգրքի 122-րդ հոդվածի 1-ին կետի՝ «Գործատուն իրավունք ունի սույն օրենսգրքի 113-րդ հոդվածի 1-ին մասի 6-րդ կետով նախատեսված հիմքով լուծելու աշխատանքային պայմանագիրը վստահությունը կորցրած աշխատողի հետ, եթե աշխատողը դրամական կամ ապրանքային արժեքներ սպասարկելիս կատարել է այնպիսի արարքներ, որի հետևանքով գործատուն կրել է նյութական վնաս»:

Համաձայն «Պետական ոչ առևտրային կազմակերպությունների մասին» ՀՀ օրենքի 16-րդ հոդվածի 3-րդ մասի «թ» կետի՝ «Գործադիր մարմնի պաշտոնում նշանակված կամ ընտրության արդյունքում գործադիր մարմնի պաշտոնում նշանակված անձի լիազորությունները դադարեցվում են իրավասու մարմնի որոշմամբ, եթե օրինական ուժի մեջ է մտել նրա նկատմամբ կայացված մեղադրական դատավճիռը»:

Հիմք ընդունելով վերոգրյալը և ղեկավարվելով ՀՀ Սահմանադրության 51-րդ և «Տեղեկատվության ազատության մասին» ՀՀ օրենքի 6-րդ հոդվածներով նախատեսված դրույթներով՝ խնդրում եմ տրամադրել տեղեկատվություն հետևյալի մասին:

1. Արդյո՞ք 2018, 2019 թվականների ընթացքում Ձեր ենթակայության ներքո գտնվող ուսումնական հաստատություններում հարուցվել են քրեական գործեր, թե՛ ոչ: Եթե՝ այո, ապա որ ուսումնական հաստատություններում, ի՞նչ հիմքերով և ի՞նչ դեպքերի առթիվ են հարուցվել քրեական գործերը:
2. ՀՀ աշխատանքային օրենսգրքի 122-րդ հոդվածի 1-ին կետի հիմքով քանի՞ ղեպքում և ո՞ր ուսումնական հաստատությունների ղեկավարների հետ է լուծվել աշխատանքային պայմանագրերը:
3. Ի՞նչ հանգամանքներում է որոշվել աշխատողի նկատմամբ վստահությունը կորցնելը:
4. 2019 թվականի ընթացքում քանի՞ ղեպքում է Ձեր ենթակայության ներքո գործող ուսումնական հաստատությունների ղեկավարների լիազորությունները դադարեցվել նրանց նկատմամբ մեղադրական դատավճիռների օրինական ուժի

Մուտքի թիվ 7221
24.11.2019թ.

մեջ մտնելու հիմքով: Նշված հիմքով ուսումնական հաստատությունների ղեկավարների լիազորությունները դադարեցնելիս նշել համապատասխան ուսումնական հաստատության և դրա ղեկավարի անվանումը, մեղադրական դատավճռի օրինական ուժի մեջ մտնելու տարեթիվը:

5. Ինչպիսի՞ այլ գործողություններ եք ձեռնարկել իրավախախտ պաշտոնատար անձանց պատասխանատվության ենթարկելու և իրավախախտման դեպքերը կանխելու համար:


6. Հակառակ դեպքում, խնդրում եմ նշել, թե ինչ պատճառներով չի ապահովվել նշված գործողությունների կատարումը Ձեր կողմից:

Համաձայն «Տեղեկատվության ազատության մասին» ՀՀ օրենքի 9-րդ հոդվածի քաղաքացիների տեղեկություն ստանալու գրավոր հարցմանը պատասխան տրվում է այն ստանալուց հետո 5 օրյա ժամկետում:

Հիմք ընդունելով վերոգրյալը՝ խնդրում եմ տեղեկություն ստանալու հարցումիս պատասխանել օրենքով սահմանված կարգով և ժամկետներում:

Հարգանքով՝

Կազմակերպության նախագահ՝



Արթուր Սարգսյան

Կատարող՝ Ս. Պետրոսյան

Էլ. հասցե՝ spetrosyan@hcav.am

